

Öise Lade 8-2013, p. 62

In salid *rumantsch*

Geabain! Quai che ils vallesans san, quai savain era nus: tar nus èn quels che dian «Grüezi» ils «Grüezis». Ok, jau stoss conceder: «Grüezinis» tuna pli original e pli litterar che «Grüezis». Ma jau na crai betg che ils vallesans èn pli litterars che ils rumantschs. Nus essan circa ils medems: testas diras, superbis ed a la fin bler pli sensibels che quai ch'ins crai. Ed ils «Grüezis»? Quels vegnan tar nus, segirs da sasez, culla luna da vacanzas. E lura vulan ils ins da quels «Grüezis» declerar a nus tgi che nus essan. Pertge che els san quai. Quels numnain nus «Grüezis». Quai n'è forsa betg gist flot da nus.



Ils Grüezis

Ils rumantschs ed ils vallesans profitan dentant era dals «Grüezis». Era sche nus essan testas diras, giain a chatscha, e na schain betg bler. Chaminar enturn a Turitg discurrind rumantsch: lura has il bonus da l'exot: «Ma guarda: i existan anc da quels che discurren...; ach co veva uss num quella lingua da quels pèr paucs là si en las muntognas?» – «Oh tge bel che vus discurreis rumantsch! Ma discurreis vus lura mingadi quella lingua?» Sch'ins drova insatge po quai esser pratic. Uschi-glio mulestus. Ma per plaschair betg chapir fauss a mai: natiralmain che nus duvrain ils «Grüezis» – sco turists. Uschi-glio èsi a fin cun nus si en las muntognas. E sche nus na faschain betg flot cun ils «Grüezis» che vegnan en vacanzas, lura van quels là nua ch'ins di «servus».



David Spinnler